

Protocol no. 98Sezzüda da mardi, als 20 mai 2014 20.00h - 23.45h

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Protocol**

Il protocol no. 97 da la sezzüda da marcurdi, als 30 avrigl 2014 vain approvà.

**883 021 FABRICA**  
**Cumün politic; inchaschamaint da funtana cun lingia d'aua e miglioramaint da la situaziun idrologica a Büglöl**

In basa da las indicaziuns dal rapreschantant da l'uffizi per la natüra e l'ambient, a chaschun da la visita occulara, ais la documainta pel proceder dal BAB gnüda concepida. Davart la cumischiun da fabrica vain propuonü d'inoltrar quella a l'uffizi chantunal. Il cussagl va d'accord in chosa, pretenda però amo la cumplettaziun da la documainta pertocant la lingia d'aua da ca. 200 m.

**884 021 FABRICA**  
**Società d'alp e vachas mamma; chamonna dal paster Mariers; installaziun d'üna duscha, e taletta, annex d'ün paravent e sbodada da la chamonna veglia dal lift**

La dumonda ais statta publichada e gnüda suottamissa al proceder dal BAB. Il permiss davart da l'uffizi chantunal cun diversas cundiziuns ais avantman. Seguond cumischiun da fabrica ais la fatschenda in uorden e madüra per gnir acconsentida. Il cussagl conced' il permiss cun vusch unanima quai in basa da las cundiziuns davart dal Chantun.

**885 021 FABRICA**  
**Ditta Orange; correctura ed adattamaint da trais antennas ed il spejel, montadas vi da l'antenna sül spi dal Vinadi in possess da la ditta Swisscom**

Per cha la ditta Orange po survgnir davart da la Swisscom il permiss per sanar e müdar oura trais da sias antennas chi sun montadas vi da quella da la Swisscom, bsögna quai l'acconsentimaint da l'istanza da fabrica. La cumischiun da fabrica ha examinà la dumonda e propuona da conceder il permiss cun quai chi's tratta d'ün pitschen müdamaint d'ün permiss existent vain tut incunter quista dumonda sco dumonda da procedura d'annunzcha. Il cussagl va d'accord in chosa cun vusch unanima e conceda quel.

886 021

**FABRICA**

**Men e Corina Caviezel-Stupan; garascha dubla our da la stalla existenta parcella no. 189; allontanamaint da la lobgia e dal tet dal suotpost**

La dumonda ais statta publichada e tuotta documainta ais avantman in möd cumplet. Sün proposta da la cumischiun da fabrica conced' il cussagl il permiss da fabrica.

887 942

**POSSESS DA FINANZAS D'EDIFIZIS**

**Dumonda a regard vendita da parcellas al cumün da Sent a Chanals ed a Chant Chünettas**

Il cussagl ha survgni la dumonda d'aquist pel cumün da duos parcellas, üna a Chanals cunfinanta a la parcella cumünala pella deponia Fuorcha e l'otra visavi a Chant Chünettas. Il cussagl va in princip d'accord. El prevezza però amo da far divers sclerimaints in fatschenda.

888 4

**SANDÀ**

**Pantiganas; problematica cumbat d'epidemias**

M. Werro preschaint'ün'offerta davart da la ditta Diener, üna ditta peritta pel cumbat cunter parasits.

Our da la discussiun resulta, chi'd existan pantiganas eir amo in divers oters lös in cumün ed uschè nascha la dumonda, che masüras cha'l cumün stuvevess lura trar in quels lös, causa cha quist'offerta as basa be sün ün lö. I vain uossa scleri cul offerent sur d'ev. masüras pussiblas ed eir cuosts sün ün permitter plü vast.

889

**DIVERSAS SCHEFS**

Ingrondimaint d'innaiver / stima da cuosts e proceder BAB

Il cussagl piglia cugnuschentscha da la stima da cuosts dal mais avrigl 2011 e da quella dal marz 2014, ingiö cha'ls detagls dals cuosts supplementars sun visibels. Stima 2011 fr. 230'000.00 excl. ipv., stima 2014 fr. 318'380.00 excl. ipv.

Soc. d'alps e chascharia, L. Noggler / dumonda per alpagnar muvel ester

Il cussagl aderisch'a la dumonda pell'alpagiada da ca. 80 armaints süts su da la svizra Bassa, quai i'ls roms e cundiziuns üsitadas.

Proget sanaziun chasa da scoula Sarandschasch

A. Poo orientescha, cha l'andamaint da las lavuors s'ha splajà a plaina cuntantezza da tuottas parts e chi nun ha dat ingüns problems.

Sauaziun da Sent

M. Caviezel manzuna, chi nun ais avantman in möd sufficient aua per sauar. Uossa ais previs, sco masüra da surmuntar, da retrar ev. üna part dal provedimaint cumünal. Quai vain uossa examinà.

Maschina da sejar e da scuder

M. Caviezel manzuna, cha la macchina da sejar e da scuder dals paur nu passa il suotpassagi a Chant Chünettas sur la Fuorcha. Quels dumondan uossa pella realisaziun d'ün vial giò la Fuorcha. M. Caviezel e F. Stricker examineschan la situaziun e pustüt eir ils cuosts.

890

## ORIENTAZIUNS

Concept da colliaziun / uff. p. la natüra e l'ambiant / disposiziun uffiziala per üna contribuziun als cumüns da Scuol e da Sent

Il cussagl piglia cugnuschentscha cun satisfacziun, da la decisiun da l'uffizi, dimena da contribuir vi da l'ouvra manzunada la somma da fr. 38'800.00.

Contribuz. per prestaziuns medicinalas e contrib. ad ospidals / decisiun da la regenza

Il cussagl ha tut cugnuschentscha da las diversas contribuziuns e da la partiziun dals credits globals als ospidals pel on 2014.

Proget punts penduossas Sinestra – Zuort e via da basa Sur En

Il capo orientescha d'avair orientà a chaschun da l'ultima sezzüda al cussagl transitoric dal cumün fusiunà sur da las duos ouvras manzunadas. Quel va in princip d'accord cun quai. I sto però gnir tgnü in ögl da resguardar las sommas i'l preventiv 2015 e cha las dumondas adequatas pels credits ston gnir approvadas dal suveran dal cumün fusiunà.

Turissems / broschüra corretta

M. Werro orientescha cha davart dal TESSVM as haja pudü chattar üna soluziun culla stamparia, dimena quella ha fat las correcturas sülla nouva broschüra ed edi 3000 exemplars. Il plaschaivel ais, cha quai ais esegui in möd gratuit.

891

## VARIA

Votumaziuns dals 15 gën / sequond scrutin pel grond cussagl

*A. Poo as declera pront da survagliar quel di l'urna in chasa cumünala.*

*Plünavant fix'il cussagl il termin pella prosma sezzüda ed ulteriurs termins necessaris.*

L'actuar:  
Marco Fallet

Il capo:  
Albert Mayer